

# INUIT ATAQATIGIIT INATSISARTUNI



26. januar 2024

Inatsisartut Suleriaasianni § 37 imm.1 naapertorlugu Naalackersuisunut apeqquq imaattoq matumuuna saqqummiuppara.

## **Naalackersuisunut apeqquq:**

**1. Utoqqalinersiaqarneq pillugu Inatsisartut inatsisaat pillugu Namminersorlutik Oqartussat nalunaarutaat § 10 imm. 2-mi utoqqalinersiaqartup aappaqarpallu ukiumut ilanngaataangitsumik isertitarineqarsinnaasut killeqartinneqarput. Utoqqalinersiallit isertitaqassusaat apeqquqtaatinngagu utoqqalinersiat tunniunneqartarnissaat qanoq aningaasatigut kinguneqassava?**

**a. Utoqqalinersiaqartumut kisimiittumut, pisortanut aningaasatigut allaffissornikkullu kingunissaat nassuiaqquneqarput.**

**b. Utoqqalinersiaqartumut aappaqartumut pisortanut aningaasatigut kingunissaat nassuiaqquneqarput.**

**2) Naalackersuisut isumaqarpat inuit 67-ileereersumasut utoqqalinersiatigut ilannartuunneqanngikkaluarlutik sulisinnassariaqartut?**

**a. Akissut aappiuppat, sooq?**

**b. Akissut naamiuppat, suna tunggaviua?**

(Inatsisartunut Ilaasortaq Mariane Paviasen, Inuit Ataqatigiit)

## **Tunggavilersuut:**

Nunatsinni sulisinnaasut tamaasa pisariaqartippagut. Utoqqalinersiallit saniatigut sulitillutik isertitat aalajangersimasut nalleraangassuk utoqqalinersiaaniit ilanngartuunneqalersarput, taamatutaaq inigisamut tapisaqarnerat aamma eqqorneqarsinnaasarpoq.

Utoqqalinersiaqaatigalutik sulerusuttut utoqqalinersiaminnik ilanngaatsinngikkaluarlutik suliinnarsinnaanissaat anguneqassappat inatsisinik allannguneq qanoq kinguneqassanersoq paaserusuppara.

Apeqquqtikka ullut suliffiit qulit iluanni akineqarnissaat kissaatigaara.